

鼎鑿幼幼集成

鼎鑊幼幼集成卷之四

羅浮陳復正飛霞氏

輯訂

廬陵劉勸宋孟氏 校正

滋陽周宗願盧中氏 參定

○腫滿證治

經曰膚脹者寒氣客於皮膚之間腹大身盡腫皮厚按之窅而不起腹色不變此其候也又曰諸濕腫滿皆屬於脾又曰水病下爲胕腫大腹上爲喘呼不得臥者標本俱病

夫腫滿之證悉由脾胃之虛也脾土喜燥而惡濕因中氣素弱脾虛無火故水濕得以乘之而脾愈不運則乳食凝而不化停積於中而腫滿作焉治腫者當以脾胃爲本而以浮腫爲標斯庶幾矣若以消伐剋削爲能事未有不致危殆者

治腫當分上下經曰面腫者風足腫者濕凡腫自上而起者皆因於風其治在肺宜發散之參蘓飲合五皮湯

腫自下而起者因於腎虛水汎或因於脾氣受濕宜

滲利之故仲景云治濕不利小便非其治也宜五苓散加防已檳榔

一身盡腫者或胎稟不足卒冒風寒或因癰痢脾虛皆能作腫輕者胃苓丸重者加味胃苓丸當與末條參攷

凡小兒之腫在表者頭痛身熱此風寒在表宜微汗之五苓散少加麻黃葛根蘓葉杏仁以發之若身無熱五苓散加肉桂膀胱氣化小便利而腫消矣陽水腫身熱大便秘小便赤澁煩燥口渴以五皮湯

卷之四  
作煎送沆瀣丹微下之

陰水腫身不熱口不渴身冷怯寒二便自調平胃散  
加白芥草菓木香藿香

凡腫證先起於腹而散於四肢者可治先起於四肢  
後歸於腹者不可治

若小兒元氣本虛復遇大病之後而渾身浮腫四肢  
冷不渴小便清長大便秘泄不思飲食此陰寒之  
極脾胃將絕治腫之方俱不可用惟以四君子湯  
加青化桂炮薑砂仁白蔻以救其脾胃斯可矣昧

者但見其腫不知元氣之竭絕而猶消導利水復以舟車禹功暨大戟芫花甘遂劫奪之者此殺人  
之事慎之戒之

○入方

參蘓飲

方見三卷咳嗽門

五皮湯

方見二卷傷濕門

五苓散

方見二卷傷暑門

胃苓丸

方見二卷傷濕門

加味胃苓丸

卽胃苓丸本方加後藥

頭面腫初起畧加麻黃 作喘加桑白皮杏仁

小便黃赤加木通 身腫加五加皮

腹脹加砂仁白蔻丁香枳殼

脚冷不溫加附子上桂防已

平胃散

方見三卷瘡疾門

加味四君子湯

治脾敗胃傷陰寒作腫多服自消

官揀參

錢一

漂白朮

錢一

白雲苓

錢五

上青桂

分八

黑炮薑

錢一

西砂仁

錢一

白芷蔻

錢一

公丁香

分三

炙甘草

分五

大棗三枚水煎半饑溫服以愈爲度

○水腫簡便方

凡小兒患腫切須忌鹽鹽助水邪服之愈甚必待腫消之後以鹽煨過少少用之、

治水腫從脚起入腹則難治用紅飯豆五升水煮極熟取湯四五升溫浸兩膝之下冷則重煖若已入臍以紅豆煮湯日日服之亦消蓋紅豆之功專於行濕利小便故也、

治脚腫掘杉木根切斷而內色紅者爲油杉方可用若切開白色者不堪以紅根切碎煎濃湯將腫脚先熏後洗一二次自消、

曉明按大  
豆恐倒

又方以紅糟一大碗加入生薑生葱二味同煎湯先  
熏後洗

又治頭面手足俱腫用苦苧塵一兩隔紙炒熟研細  
末以大紅棗蒸過去核取肉和前末杵勻爲丸如  
小大豆每服七粒白湯下日三服五七日則小便  
多腫自消也忌鹹酸生冷

傷寒傷濕腫以羌活切片萊菔子二味等分同炒香  
取起揀去萊菔不用只以羌活爲末每服一錢初  
日一服二日二服三日三服效

曉明按熱  
當作熱

腫證氣喘男婦大小腫因積得既取積而腫再作小便不利若再用利藥性寒而小便愈不通矣醫者至此束手蓋中下二焦氣不升降爲陰寒否隔水遂凝而不通用熱附子三錢生薑二錢沉香二分同煎濃湯冷服大人附子一兩生薑六錢沉香磨濃汁以附薑湯對服不拘服數以愈爲度

身面浮腫坐卧不得取向東桑枝燒灰淋汁煮紅豆數升每饑卽食之不得別飲湯水

水腫本於脾虛不能制水水積妄行而爲腫當以參

术補脾爲主使脾氣實則能健運而水自行

切不可下

### ○脹滿證治

經曰足太陰虛則鼓脹又曰胃中寒則脹滿又曰濁氣在上則生脹脹○夫脹滿者腹脹氣滿也由於脾肺氣虛不能健運所以作脹也有虛脹實脹熱脹寒脹大抵虛脹冷脹十之七八實脹熱脹十之二三蓋實熱之證人所易見或因傷食或因傷寒入裏所以易知而易治虛冷之證由中氣虛衰脾氣不化而脹所以難見而難醫若以虛冷之脹而

誤以爲實熱之脹治之其變不可勝言矣

虛脹者或因吐瀉之後或因服藥攻下太過致成腹  
脹者宜溫中調氣厚樸溫中湯若虛而兼寒者加  
附桂

實脹者腹中原有食積或飲食過飽固結於中外證  
則胃口胸前高脹身熱口渴倦卧不語腹痛微喘  
目閉不開儼然虛極之象小兒此證最多而難識  
昧者不爲詳審見其四肢不舉目閉不開誤以爲  
慢驚而用寧神導痰之藥千中千死無一活者不

知大實有羸狀卽此是也、急宜下之、集成沆瀣丹  
集成三仙丹同服

熱脹者或傷寒熱邪入裏大便閉結小便短赤渾身  
壯熱面赤煩燥集成沆瀣丹

寒脹者由中氣素寒冷滯鬱結無身熱口渴面唇青  
手足厥冷氣喘腹脹先以壘氣丸消之後以異功  
散調其脾胃

凡遍身瘡疥因淋洗塗搽逼毒歸內而腹脹者輕則  
荆防敗毒散升散之重則集成沆瀣丹微利之瘡

出脹消者吉瘡不出者凶

經謂臟寒生脹滿蓋脾爲陰中之至陰因脾濕有餘無陽不能施化如土之久於雨水則爲泥矣豈能生奇萬物必待和風暖日濕去陽生自然生長也凡此宜以辛熱之藥運用之可也

經謂下之則脹已此以濕熱飲食有餘脾胃素實形體氣質壯實者言之也若脾虛內寒而氣不能運精微以成脹滿者只宜以甘溫補脾爲主少佐辛熱以行壅滯之氣庶使脾土健旺脹滿運行斯可

愈矣此經之所謂塞因塞用從治之法耳醫者不察乎此惟執下之脹已急於獲效病者喜行利藥以求通快不知暫快一時則真氣愈傷脹滿愈甚去死不遠矣

諸家治脹治腫但知行氣利水尅削並行輒用猛劑下之此速死之道不知脾氣虛極而腫而脹愈下愈虛惟劫目前之快而陰損真元禍不旋踵後賢幸加意焉

○入方

厚樸溫中湯

治胃寒心腹脹

紫厚樸

錢五

真廣皮

錢一

黑薑灰

錢一

白雲苓

錢一

草薢仁

五分

南木香

五分

炙甘草

五分

虛兼寒者加熟附子

五分

青化桂

五分

生薑三片大棗三枚水煎半饑服

場氣丸

治寒氣鬱結肚腹虛脹

胡椒仁

兩一

全蝎尾

五錢

揀去鉤子洗淨炒乾

曉明按類  
當作類下  
同

右以胡椒畧去皮取淨一兩炒過和蝎尾研末麪  
糊丸極小每服一二錢陳皮湯送下

集成沆瀣丹

方見二卷胎疾門

集成三仙丹

方見二卷顛搐門

異功散

方見二卷傷食門

荆防敗毒散

治瘡疥毒氣內陷肚腹作腫

荆芥穗

北防風

淨連翹

陳枳殼

綠升麻

南薄荷

川羌活

川獨活

粉乾葛

川木通

金銀花

片黃芩

正川芎

黑梔仁

炙甘草

每味各一錢

上身腫加蔥三莖下身腫加燈心十莖水煎服

○腹脹簡便方

治氣脹水脹用鵝雞糞乾者一升炒焦黃色出火毒  
研細末以百沸湯三升淋汁每服一盞調木香攪

椰末各五分此中消蠱毒脹有一無二之方也

治食脹氣脹用蘿蔔子一兩研細末水調濾汁用砂仁一兩以蘿蔔子汁浸一宿炒乾又浸又炒共七次爲末每服一錢米飲調下

○黃痺證治

經曰身痛而色微黃齒垢黃瓜甲上黃黃痺也又曰溺黃赤安卧者黃痺已食如饑者胃痺○夫黃痺之證古人多言爲濕熱及有五痺之分皆未足以盡之予謂黃之大要亦惟有二曰陽黃曰陰黃而

寒熱虛實總括二者之中無餘義矣

一陽黃證因濕多成熱熱則生黃此則所謂濕熱證也其證必身熱煩渴或燥擾不寧或消穀善饑或小便熱痛或大便秘結其脈實而有力此證不拘外感風濕內傷食飲皆能致之但察兒之元氣尙強脾胃無損而濕熱果盛者直宜清火邪利小便茵陳五苓散最穩胃苓湯加茵陳亦佳若大便秘結熱甚者集成沆瀣丹

一陰黃證全非濕熱而總由氣血之敗蓋氣不生血

所以血敗血不華色所以色敗凡病黃而絕無陽證陽脈者便是陰黃或因大病之後或脾胃久虧故脾土之色自現於外其證喜靜惡動喜暗畏明神思困倦言語輕微畏寒少食四肢無力或大便秘不實小水如膏此皆陽虛之候與濕熱發黃者反如冰炭使非速救元氣大補脾胃終無復元之理且此證最多而昧者不察遂云黃疸同是濕熱而用茵陳梔子清火利水則無有不隨藥而斃者如四君子五君煎溫胃飲是其宜也

凡小兒脾胃素弱常有積滯面色多帶黃白不可消積惟以集成肥兒丸多服使脾胃健食自消灌漑臟腑流行榮衛自然五色脩明何黃之有

小兒黃病昧者一槩呼爲濕熱無非除濕利水清熱退黃除此之外無別法矣豈知濕熱發黃者少脾虛發黃者多蓋脾土强者足以捍禦濕熱必不生黃惟其脾虛不運所以濕熱乘之治此者無非暫去濕熱茵陳五苓散亦佳黃稍退卽速健脾不得屢用消耗而謂有是病用是藥也

若面目俱黃而帶虛浮唇白舌淡口不渴身不熱夜  
無煩熱小便不澀不可認爲濕熱而分利之速救  
脾胃四君子六君是其宜也

凡服分利之藥黃久不退以致口淡心慌四肢軟弱  
憎寒發熱小便帶濁皆爲虛甚宜四君子煎送八  
味地黃丸不可再行分利以致脾敗腎絕而死矣

○入方

茵陳五苓散

方見二卷傷濕門

胃苓湯加茵陳

方見二卷傷濕門此加茵陳一錢

集成沆瀣丹

方見一卷胎疾門

四君子湯

方見三卷瘧疾門

五君煎

治脾胃虛寒嘔吐泄瀉而兼濕者

官揀參

錢一

漂白朮

錢二

白雲苓

錢二

炮薑灰

錢一

炙甘草一錢

水一鍾半煎服

溫胃飲

治中寒嘔吐吞酸泄瀉不思飲食

官揀參一錢

漂白朮二錢

白扁豆一錢

廣陳皮五分

炮薑灰一錢

大當歸一錢

炙甘草六分

水一鍾煎七分服

集成肥兒丸

治小兒脾胃虛弱飲食不消肌膚瘦削多服能令

兒肥此丸久經效驗比諸家肥兒丸功獨勝

建連肉

二兩四錢  
去心皮炒

西砂仁

六錢  
酒炒

漂白朮

一兩  
土炒

官揀參

一錢  
切焙

京查肉

四錢  
炒

杭白芍

四錢  
酒炒

廣陳皮

四錢  
酒炒

法半夏

四錢  
炒

白雲苓

一兩  
乳  
汁蒸晒

真雅連

二錢  
薑製

苡仁米

六錢  
炒

六神麴

六錢  
炒

炙甘草

二錢

共爲細末煉蜜爲丸彈于大每日早午晚各服一

丸米飲化下

六君子湯

方見二卷類摘

八味地黄丸

方見一卷保產門

○黃痺簡便方

小兒急黃以絲瓜連皮帶子火燒存性研末每服一錢米湯下連進數服愈

小兒黃如金色因積滯凝於脾家以糯稻草煎濃湯飲之數次效

治小兒黃痺如金取山間薏苡仁根洗極淨煎湯服

之自愈

治濕熱發黃用生薑半觔茵陳半觔同搗爛以布包之時時周身擦之其黃自退

○腹痛證治

帝曰願聞人之五臟卒痛何氣使然岐伯對曰經脈流行不止環周不休寒氣入經而稽遲泣而不行客於脈外則血少客於脈中則氣不通故卒然而痛○凡病心腹痛者有上中下三焦之別上焦者痛在膈上此卽胃腕痛也中焦者在中腕脾胃間

病也下焦痛者在臍下肝腎病也然有虛實之分  
不可不辨辨之之法但察其可按者爲虛拒按者  
爲實久病者多虛暴病者多實得食稍減者爲虛  
脹滿畏食者爲實痛徐而緩莫得其處者爲虛痛  
劇而堅一定不移者爲實虛實既確則治有準則  
夫腹痛之證因邪正交攻與臟氣相擊而作也有冷  
有熱有蟲痛有食積辨證無訛而施治必效

挾冷痛者面色或青或白冷甚者面色闇淡唇口爪  
甲皆青此脾氣虛寒之極輕者當歸散重者燒脾

散有吐瀉者保童丸、

挾熱痛者面赤壯熱四肢煩手足心熱宜四順清涼  
散加青皮枳殼大便秘者木香檳榔丸大便調者  
芍藥甘草湯、

食積痛者口中氣溫面黃面白目無精光或目睛多  
多眠惡食大便酸臭宜三稜丸甚者消積丸下後  
六君子湯調之、

蟲痛者面目唇紅六脈洪大心腹疼痛口中涎沫及  
清水出腹內結聚成團摸之梗起一條小兒脾胃

虛者甚多此證宜烏梅丸

凡腹痛喜手按及熱熯者爲虛爲寒速宜溫補如手  
不可按者爲實速宜下之

○入方

當歸散

治腹痛有寒無熱

大當歸

錢五

南木香

錢五

青化桂

錢一

大揀參

錢一

炙甘草

錢五

生薑三片大棗三枚水煎溫服

燒脾散

治傷生冷菓菜停積中焦心脾冷痛

黑炮薑

錢一

紫厚樸

錢一

草蔻仁

分五

西砂仁

錢一

六神麴

錢一

老麥芽

錢一

真廣皮

錢一

高良薑

分五

炙甘草

錢一

或丸或散或水煎俱可

保童丸

因傷風冷食積肚疼泄瀉嘔惡

官揀參

切焙

漂白朮

土炒

紫厚樸

薑炒

正廣皮

酒炒

白雲苓炒 結猪苓焙 宜澤瀉炒 藿香葉焙

公丁香搗 法半夏焙 白乾薑炒 苛化桂去粗

白蔻仁炒 杭青皮醋炒 肉荳蔻煨 南木香屑

炙甘草俱等分

共焙燥為細末神麴糊丸彈子大每服一九米飲

化下

四順清涼散

治挾熱腹痛面赤壯熱四肢煩手足心熱

杭白芍錢二 白當歸錢一 錦莊黃錢一 炙甘草五分

淨水煎滾熱服

芍藥甘草湯

此方無論寒熱虛實一切腹痛服之神方

白芍藥

一根重三錢

粉甘草

一根重二錢

右二味俱要整的用紙七重包之水濕慢火煨熟  
取起杵爛煎湯服寒月畧加肉桂數分更妙

三稜丸

治食積胃脘痛心腹痛小腹痛癖痛蟲痛

京三稜

煨

蓬莪朮

煨

半夏麴

焙

小枳實

炒

正川連姜炒

吳茱萸泡

正廣皮酒炒

杭青皮醋炒

南木香屑

尖檳榔炒

川厚樸薑製

川練肉炒

小茴香酒炒

共爲末神麴糊丸量兒小大加減米飲調服

木香檳榔丸

方見三卷食積門

烏梅丸

治胃冷蟲痛攻心嘔吐四肢冷

官揀參

川黃檗

北細辛

青化桂

川熟附

已上各  
六錢

川黃連

五錢

正藜椒

大當歸

黑薑灰

已上各  
四錢

肥烏梅

三十個蒸去核  
取淨肉搗爛

共爲細末，酒蒸烏梅肉，搗膏和藥，少加煉蜜爲丸，  
如芡實大，每服一九，水送，每日二三服，以十分之  
一水煎服亦可。

○腹痛簡便方

治<sub>下</sub>一切胃痛、胸痛、腹痛、腰痛、疼如錐刺，不可忍者，花  
椒不拘多少，研爲細末，和少麪粉醋和成餅，貼於  
痛處，上鋪艾絨，用火灸之，疼立止。

曉明按妙  
當作炒

一切腹痛、不問虛實寒熱皆效。用小麥稗燒灰地上，出火毒，將布包之滾水淋汁，一服立止。

一切疼痛，或寒或熱，或積食或積血，證莫能辨，藥不能施，有起死回生之妙。用生薑一觔搗爛，畧擠去汁，入鍋內炒熱，用布分作二包，先以一包慰痛處，冷卽換熱者，勿令間斷。如薑已乾，畧加前汁拌之，又妙。又慰痛止乃已。

凡小兒腹痛，摸其肚有一塊梗起者，蟲痛也，不須服藥。惟令大人以手擦揉其塊處，久久搓之，半日許

其蟲將死皆從大便而出痛立止

小兒腹痛啼哭不止用南木香明乳香黑沒藥俱去油各五分水煎溫服

小兒胎寒腹痛啼哭吐乳大便青色身出冷汗用薑黃一錢南木香乳香沒藥俱去油各三錢共爲細末蜜丸芡實大每服一九薑湯調下

小兒盤腸氣痛月內之兒多有之其證腹內如蛙聲啼哭不止者是也蓋寒熱不和臟氣不行用梔仁五錢附子三錢同炒極枯取起揀去附子不用單

曉明按据  
不州細目  
乾漆附方  
以恐當作  
似

取梔仁加入白芷一錢爲末每五分小茴香湯下  
小兒腹痛啼哭不止用乳香一錢去油燈花七枚同  
爲末每二分乳汁調服

小兒蟲痛口流涎沫使君子取肉微炒爲末五更時  
米飲調下

小兒腹痛一痛卽死者名爲蟲痛以痢用乾漆燒灰  
白蕪荑二味等分爲末每五分米飲調下證重者  
每服一錢

小兒盤腸腹痛濃煎葱湯澆洗兒腹仍以葱搗爛炒

熱作餅貼臍上良久尿出痛止

○癖積證治

經曰新積痛可移者易已積不痛難已也又曰胃之大絡名曰虛里貫膈絡肺出於左乳下其動應衣脈宗氣也結而橫有積矣

凡飲食之積其漸積者不過以飲食偶傷必在腸胃之內故可行可逐治無難也惟飲食無節以漸留滯者多成癖積於左脇膈膜之外此陽明宗氣所出之道也若饑飽無論飲食疊進以致陽明胃氣

一有所逆則陰寒之氣得以乘之而脾不及化故  
餘滯未消併腸外汁沫搏聚不散漸成癥積矣然  
其初起甚微人多不覺及其既久則根深蒂固而  
藥餌難及今西北小兒多有此疾而尤於食麪之  
鄉爲最正以麪性多滯而留積於皮裏膜外所以  
不易治也惟當以漸消磨求法治之幸毋孟浪欲  
速妄行攻擊徒致胃氣受傷而積仍未及以速其  
危也

癖者血膜裹水側癖脇傍時時作痛時發潮熱或寒

熱往來似瘧故瘧家多有此證凡瘧疾發過之後必令其熱退極盡方可飲食若熱未盡而飲食之則中腕多蓄黃水日久而成癖積

小兒臟腑和平脾胃壯實則榮衛宣暢津液流通縱使多飲水漿不能爲病惟脾胃不勝乳哺失調三焦不運水飲停滯冷氣搏之結聚而成癖也體素弱者消癖丸氣壯實者赭石揆癖丸大約有癖之兒虛者居多攻下之藥非可常用卽不得已而用之待其畧減用消癖丸緩緩消之至爲良法

○入方

消癖九

治癖在脇下而黃肌瘦午後發熱似癰

官揀參

切焙

漂白朮

上炒

正廣皮

酒炒

白雲苓

乳蒸

杭青皮

醋炒

川厚樸

薑製

小枳實

麩炒

法半夏

焙

西砂仁

酒炒

六神麴

炒

陳麥芽

炒已上俱

各二錢

九肋鱉

炙三錢

京三稜

煨

蓬莪朮

煨

南木香

已上

俱各一錢

青化桂

炮黑薑

各一錢二

正雅連

薑汁炒二錢

共為細末早米粉糊為丸每服一二錢量兒大小

加減米飲下以癖消藥止

赭石挨癖丸

治腹中癖塊或生寒熱或時作痛小兒壯實飲食素强者方宜用之脾胃素虛者切不可服惟以前消癖丸攻補兼施久之自愈

代赭石

火煨醋淬至酥研末水飛過用

杭青皮

醋炒

蓬莪朮

煨

南木香

銼屑

青化桂

各三錢

巴豆霜

去油極淨取霜一錢

川大黃

二錢

右爲細末

醋煮麪糊丸蘿蔔子大每服五九淡薑

廣錫灰

錢五

陳漆渣

燒灰

正輕粉

錢二

白雷丸

錢二

巴豆霜

錢一

以漆渣灰五錢同衆藥研爲細末醋煮麤糊丸麻

子大每服二十九五更時苦練根皮煎湯下

集成肥兒丸

方見四卷黃痺門

烏梅丸

方見四卷腹痛門

六君子湯

方見二卷顛播門

○下蟲簡便方

凡小兒甘肥過度或糖食甜物太多乃致濕熱久停而成積積久生蟲時發腹痛以手摸之腹內有塊或一條梗起外證面白唇紅六脈浮洪其痛時作時止痛止卽能飲食者蟲痛無疑又有腹痛一痛卽死者亦是蟲證欲去此蟲無如苦練根皮誠天下打蟲第一神方其法於月初旬蟲頭向上之時行之先夜掘苦練根須取每年結子者方是母樹

其根浮於土面者有毒不可用專取土中者淨洗  
泥土以刀刮其紅皮止取白皮四五錢兒大者六  
七錢切碎聽用次早以油煎雞蛋令兒嗅之以引  
其蟲頭向上而求食另於別室以水一盞濃煎苦  
練皮湯一小杯不可使兒聞其藥氣一聞其氣蟲  
卽潛伏矣俟藥熟以雞蛋與兒食卽服藥半日不  
可飲食俟蟲下後方飲食之服藥後兒似困頓萬  
萬放心蟲下後精神如舊仍當急爲健脾庶蟲不  
復生永無患矣

○諸汗證治

經曰陽之汗以天地之雨名之又曰陽加於陰謂之汗又曰心爲汗○夫心之所藏在内者爲血在外者爲汗蓋汗乃心之液而自汗之證未有不由心腎兩虛而得之者然陰虛陽必濇之故發熱而自汗陽虛陰必濇之故發厥而自汗是皆陰陽偏勝所致也

小兒臟腑嬌嫩膚腠未密或重衣厚被致內臟生熱熱搏於心故心液不能自藏而額汗出也額爲心

之位宜收歛心氣，用參湯。

大病後氣血兩虛，津液自汗，或潮熱，或寒熱發過之後，身涼自汗日久，令人黃瘦失治，則變蒸疳，宜黃耆固真湯。

睡中汗出，醒來則止，此心虛盜汗，宜歛心氣，養心血，用團參湯。

睡中遍身有汗，覺來久不乾者，此食積盜汗，脾冷所致，益黃散。

脾虛泄瀉，自汗後而遍身冷，有時遇瀉則無汗不瀉。

則有汗此爲大虛之候急當補脾理中湯待瀉止  
黃耆固真湯

凡自汗上至胸下至臍此胃虛也當補胃四君子湯  
加黃耆

肺虛自汗面白唇白六脈無力蓋因久嗽脾虛故令  
自汗四君子湯加麥冬五味

傷風自汗宜實表桂枝湯傷寒汗出自頭至頸而止  
者欲發黃也茵陳湯

如有實熱在內煩燥汗出不止者胃實也宜集成沆

瀝丹微下之

諸汗服藥久不止者用五構子一個研細末醋和作一小餅貼肚臍以帶帶之效

○入方

團參湯

收斂心氣固心血能止自汗

官揀參

焙切

當歸身

切焙各二錢

右二味分作二服用臘猪心一個切作二片用前

藥二錢猪心一片水一鍾煎湯空心服

黃耆固真湯

治氣虛自汗

嫩黃耆

錢一

官揀參

分五

漂白朮

分五

當歸身

錢一

炙甘草

分五

天圓肉三枚水煎服

益黃散

治食積盜汗

正廣皮

錢五

杭青皮

錢四

柯子肉

錢四

粉甘草

錢四

公丁香

錢二

共爲末，大兒二錢，小者一錢，如感冒吐瀉，加薑棗同煎服。

理中湯

方見二卷乳子傷寒門。

四君子湯

方見三卷瘧疾門。

桂枝湯

方見二卷小兒傷寒門。

茵陳蒿湯

治頭汗至頸而還將欲發黃

茵陳蒿

錢五

川黃蘗

錢一

黑梔仁

錢一

燈心十莖水煎滾熱服

○汗證簡便方

凡男婦小兒及產母一切虛證偶然大汗諸藥莫能止者蓋由立府太開一時難閉所以服藥不能止先將五構子末醋調作小餅子納入臍中以布帛之然後以舊蒲扇燒灰多加糯米粉和勻以夏布袋裝之自頭至足遍身輕撲之使其粉入毛竅玄

府自閉、虛汗卽止神治也。

○疝氣證治

經曰邪客於足厥陰之絡、令人卒疝暴痛。又曰病在小腹痛、不得大小便、病名曰疝、得之寒。○故疝氣者、寒邪結聚而成也。內則臍腹絞痛、外則卵丸腫大、專屬肝經、與腎無涉。蓋肝主怒、小兒性急、多叫哭而得之者、此氣動於內、謂之氣疝、應行氣開鬱。初宜柴苓湯升散之、次宜加減二陳湯或木香內消丸。

如因久坐濕地得之者此冷氣入臍謂之寒疝宜溫中散寒加減當歸散茱萸內消丸

有腫而不痛由中濕所致卵雖腫而無熱復不痛宜行濕消腫加減守病丸

小兒素有疝氣或一年半年發者發則有形外連臍丸內貫小腹腫硬一條如小柞約長五六寸大小便不通宜當歸木香湯

小兒木腎腫大不痛連年不消者不早治便爲終身痼疾宜茱萸內消丸加牽牛子半生半炒取頭末

上用更灸臍傍章門穴大效取穴法以本兒手掌第五指本節橫紋對臍中心其中指頭盡處是穴小兒濕地上坐或有蚯蚓吹其卵腫大而垂者以鹽湯浸洗之蓋鹽能殺蚯蚓毒也或以蒼朮煎湯加鹽少許洗之效

小兒陰囊生瘡癢爛者謂之脫囊用紫蘇葉研末敷之以荷葉包之或用生荷葉火烘令軟包之雖囊丸露出亦可治也

小兒外腎臊臭時復濕癢柴胡龍膽湯癢甚不可止

者胡椒煎湯洗之

○入方

柴苓湯

治少陽膽經有邪而病痢

官揀參

錢一

北柴胡

錢五

枯黃芩

錢一

法半夏

錢一

漂白朮

錢一

白雲苓

錢一

結猪苓

錢一

宜澤瀉

錢一

青化桂

分五

炙甘草

分五

生薑一片大棗一枚水煎熱服

加味二陳湯

治性急多哭、卵腫痛連小腹、謂之氣疝。

正廣皮 法半夏 白雲苓 小茴香 正川芎

已上各一錢 青化桂 炙甘草 各五分

生薑三片、水煎溫服、

木香內消丸

治證如前、

南木香 屑 京三稜 煨 結猪苓 焙 宜澤瀉 炒

川練肉 炒 正廣皮 酒炒 香附米 酒炒 已上各七錢

杭青皮 醋炒 二錢

其爲末酒煮米糊爲丸每服一二錢空心鹽湯下  
加味當歸散

治受寒濕之氣小腹絞痛外腎紅腫並腹痛啼哭  
等證

當歸身

錢五

吳茱萸

分三

青化桂

分五

正川芎

分五

黑薑灰

錢一

南木香

分五

小茴香

錢一

炙甘草

分五

水煎臨服加鹽七分空心溫服

茱萸內消丸

治寒濕所襲留伏作痛癰疔偏墜

吳茱萸醋浸一宿 焙乾炒過 青化桂去 淨棗皮 核搗

元胡索醋炒 大茴香鹽炒 化橘紅炒 杭青皮醋炒

已上各一兩 光桃仁炒 白蒺藜炒 南木香已

上各五錢

共為細末酒煮麪糊丸龍眼核大每服一九淡鹽

湯送下

加減守病丸

治卵腫不痛此濕氣也又名木腎

漂蒼朮鹽炒 製南星炒 香白芷焙已上各一兩

多集  
卷之四

京楂肉炒

正川芎炒

廣橘核炒

法半夏焙

六神麴炒

吳茱萸炒已上各二錢五分

共爲細末酒煮麴糊九龍眼核大每服一九小茴

香煎湯化下

當歸木香湯

治小兒久疳不愈

京楂核

全當歸

正川芎

川木通

小茴香

川練肉

杭青皮

結猪苓

宣澤瀉

已上各一錢

南木香

黑梔仁各五分

右用淨水濃煎空心熱服

龍膽湯

治小兒外腎臊臭時復濕癢

北柴胡

錢二

宜澤瀉

錢一

車前子

分八

川木通

錢一

懷生地

錢一

當歸尾

分六

龍膽草

分五

水煎空心服以飲食壓之

○疝氣簡便方

治小兒疝氣腫痛用荔枝核炒焦五錢大茴香酒炒二錢五分共爲細末每服一錢溫酒調下

又方不論小兒及男婦一切疝氣以及諸般氣痛用荔枝核四十九箇炒焦留白陳皮九錢生硫黃四錢共爲末鹽水打麪糊爲丸菉豆大遇痛時空心酒研送九九良久再進一服不過三服全安

小兒腎腫硬痛檳榔核荔枝核山查核三件等分俱燒過存性研末每服一錢空心小茴香湯送下

小兒疝氣痛全蝎不拘多少炒焦爲末每三分小茴香煎酒送下

小兒冷疝作痛陰囊浮腫川練子去核五錢吳茱萸

二錢五分炒研爲末酒打麪糊爲丸小豆大每服  
十九鹽湯化下

小兒疳久陰囊堅硬如石名爲木腎用瓜蒌連皮帶  
子二錢葦撥二錢生薑二錢葱白二錢酒煎熱服  
被覆煖卧取汗效

○啼哭證治

小兒初生百日一周之內神安意靜不妄笑多哭者  
易養如日夜啼哭不止爲母者心誠求之渴則飲  
之饑則哺之痛則摩之癢則抓之其哭止者中其

意也如哭不止當以意度之蓋小兒初生性多執拗凡有親狎之人玩弄之物一時不見其心不悅而哭謂之拗哭急與之勿使怒傷肝氣致病也假如又不止請醫視之如大哭晝夜不止者肝熱也瀉青丸如日夜啼哭身熱煩燥者心熱也導赤散俱用燈心湯服

○入方

瀉青丸

此肝經之主藥凡幼科中截風定搐之方多用金

石腦麝無益有損惟此方清心平肝疎風涼血凡  
小兒作熱不退將成風搐或已成風搐但服此丸  
其應如響方雖古方人不知用予昔遊潭州遇師  
指授始能用之凡幼科中抱龍保命至寶新安金  
藥蘇合香丸一槩不取惟此丸爲幼科截風定搐  
之第一神方也

川羌活 正川芎 黑梔仁 龍膽草 全當歸

北防風

已上俱各一兩

錦莊黃

錢五

右藥合爲一處以火烘燥研爲細末煉蜜爲丸青

集月  
卷之七  
三  
黛爲衣如大豆大每服一二九茶清化下

導赤散

治心經有熱一切煩啼不安皆效

懷生地

錢二

川木通

錢五

枯黃芩

錢一

生粉草

分五

淡竹葉

四十

燈心十根水煎熱服

○夜啼證治

小兒夜啼有數證有臟寒有心熱有神不安有拘哭此中寒熱不同切宜詳辨

臟寒者陰盛於夜至夜則陰極發燥寒甚腹痛以手按其腹則啼止起手又啼外證面青手冷口不吮乳夜啼不歇加減當歸散

心熱煩啼者面紅舌赤或舌胎白滿無燈則啼稍息見燈則啼愈甚宜導赤散加麥冬燈心甚則加川連膽草

神不安而啼者睡中驚悸抱母大哭面色紫黑蓋神虛驚悸宜安神丸定其心志有吐瀉後及大病後夜啼亦由心血不足治同上

凡夜啼見燈卽止者此爲點燈習慣乃爲拘哭實非  
病也夜間切勿燃燈任彼啼哭二三夜自定

○入方

當歸散

一方見四卷疳證門

導赤散

方見四卷啼哭門

十味安神丸

治神虛驚惕至夜則啼

官揀參 白茯神 大杭冬 懷山藥 正龍齒

煨已上 各二錢 鏡同砂 飛寒水石 飛粉甘草 已上各五分

梅花片 一分 赤金箔 十片

共爲細末煉蜜爲丸芡實大每服一九燈心湯下

○夜啼簡便方

小兒心熱面赤夜多啼泣朱砂五分牛黃一分共爲末每一二分犀角磨湯調下

又治同前證夜啼青黛研篩過每服二分燈心十莖煎湯調服

小兒一百二十日內夜啼用蟬蛻四十九箇剪去前半截用後半截焙乾燥研末每服四分鉤藤湯下又方用蟬蛻十四箇去翅足焙乾入朱砂一分共研末蜜調塗母乳頭上令兒吮之納兒口中亦可小兒夜啼不論有餘不足皆有效用五構子研末口中津唾和作餅子納肚臍以帶帶之效

又方以竈心土研末二錢朱砂飛過一錢麝香少許共爲末蜜丸菉豆大每服五丸水調下

二便證治

經曰北方黑氣入通於腎開竅於二陰○夫二陰者前陰竅出小便後陰竅出大便又云前陰主氣後陰主血蓋膀胱之津液血所化也由氣而後能出太陰之傳送氣之運也由血而後能潤此便溺之流通見氣血之依附而人之所以爲生者以其有此出入關竅耳清陽出上竅謂呼吸也濁陰出下竅謂大小二便也倘一息不運則機緘窮而死矣故二便不通加以腹脹氣喘嘔噦煩燥者不可治也凡二便秘宜八正散外用捲臍法蜜導法則前

後俱通矣

○入方

八正散

治熱聚下焦二便不通

淮木通 白滑石 黑梔仁 車前子 瞿麥穗

錦莊黃

白芒硝

俱等分看兒大小加減之

除大黃芒硝在外將六味水煎極熟加入大黃再煎十數沸取起斟出澄清以芒硝冲服

掩臍法

治中下二焦積熱大小便秘

連鬚葱七莖不洗生薑一大塊淡豆豉三錢食鹽  
三錢同搗爛作一餅銚子烘熱掩肚臍以帛背定  
良久氣通二便自利

蜜導法

治二便不通以此通其大便則下焦氣行而小便  
自通矣

用冬蜜八兩煉至滴水成珠不散入梔角細末二  
錢和勻稍冷捻如小指大一條外以葱涎塗上輕

輕插入穀道中氣通則便利矣

○二便不通簡方

大小便不通經二三日危急者以皂角燒灰研末米湯調下一錢立通

又方以蜂蜜一盞皮硝一錢白湯一盞空心調下另以皂角於桶內燒煙令兒坐桶上熏之即通

又方用草烏一個削去皮畧以麝香搽上抹以香油輕插穀道內名霹靂箭至捷

二便不通百方不效肚腹脹痛咽喉窒塞或痰壅氣

喘水米不下死在須臾宜急救之用甘遂五分麩包煨熟取出爲末入麝香三釐搗飯爲丸小兒服二分大人五分薑湯送下

又方以小竹筒抹以葱涎插入穀道以芒硝五錢研細香油半盞皂角末少許令人口含灌入穀道出少時卽通

○小便不利證治

經曰膀胱者州都之官津液藏焉氣化則能出矣又曰膀胱不利爲癃不約爲遺溺又曰肝有熱則小

便先赤。○凡小便赤澀爲熱，小便自遺爲寒。熱者火有餘，水不足，治宜瀉心火，滋腎水，加味導赤散。寒者火不足，水有餘，治宜溫腎水，益心火，益智散。小便不通，乃由臟氣虛，受熱壅滯，宜化不行，非塞非痛，但閉而不通，腹脹緊滿，宜五苓散，加車前、燈心。大病之後，氣虛津液不足，而小便閉者，不可利之。利則中氣日虛，津液愈涸，宜人參散。

小兒患淋，小便淋瀝作痛，不必分五種，然皆屬於火。熱宜清利之，海金沙散。

小兒久病氣虛而淋病者不可利小便宜六味地黃丸滋其化源、

小便自出而不禁者謂之遺尿睡中自出者謂之尿牀此皆腎與膀胱虛寒也益智散加附桂龍骨小兒初便黃赤落地良久凝如白膏者謂之尿白傷脾所致久而成疳胃苓丸鹽湯下

小兒小便出時色白渾濁隨尿而來謂之白濁此心經虛熱宜清心蓮子飲

○入方

加味導赤散

治心熱肝熱小便赤澀

淮木通 懷生地 炙甘草 枯黃芩 黑梔仁

宜澤瀉 淨前子 北柴胡

已上各一錢

淡竹葉七片 燈心十莖 水煎空心熱服

益智散

治水有餘火不足而遺溺

益智仁

五錢鹽水炒

補骨脂

三錢鹽水炒

白雲苓

五錢酒炒

共爲細末每服一錢鹽湯調下

五苓散

方見二卷暑證門

人參散

治氣虛津液不足小便不通

官揀參

錢一

大麥冬

錢二

川黃蘗

五分

炙甘草

錢一

生薑三片水煎服

海金沙散

治小兒諸淋皆屬於熱

香附米

酒炒

正川芎

酒炒

赤茯苓

酒炒已上各五錢

白滑石

水飛各一兩

陳枳殼炒

宣澤瀉焙

陳石葦

焙

尖檳榔

炒已上各二錢五分

共爲細末每服一錢淡鹽湯調下

六味地黃丸

方見一卷胎疾門

胃苓丸

方見二卷濕證門

清心蓮子飲

專治白濁

建蓮子

錢二

白雲苓

錢五

益智仁

錢一

遠志肉

錢五

大麥冬

錢一

官揀參

錢五

石菖蒲

錢五

車前子

錢五

漂白朮

錢六

宜澤瀉

錢四

生甘草

錢三

燈心十莖水煎空心服

○小便簡便方

凡小便不通服藥無效用商陸五錢研末入麝香少許先以舊夏布蓋於臍上將藥放布上待藥氣入腹一時即通

小便數日不通遍身手足腫滿諸藥不應者用蘇葉

一筋煎濃湯入脚盆內令患者坐盆上熏之冷則  
又添熱湯外用炒鹽熨臍上及遍身腫處良久便  
通腫消而愈、

又方用連鬚葱白一觔搗爛炒熱分作二處各以布  
包輪留熱熨臍下即通、

小便閉結不通藥不能效用食鹽一兩調溫水服之  
良久以指入喉中探吐一吐即通蓋上竅不通下  
竅閉也、

又方以皂角研末吹些微入鼻中令其噴嚏亦是上

升之意如水注閉其上竅則下竅不通稍升提之  
卽時通矣

○大便證治

經曰太陰司天陰痺大便難陰氣不用病在於腎又  
曰太陽之勝隱曲不利互引陰股○夫飲食之物  
有入必有出也苟大便不通出入之機幾乎息矣  
急宜通之使舊穀去而新穀得入然有實閉有虛  
閉最宜詳審如形實氣實脈實又能食者的有可  
下之證則下之如八正散承氣湯木香檳榔丸之

類擇而用之、中病卽止、不可過也、而形虛氣虛脈虛而兼食少者、雖有可下之證、宜緩不宜急、但用保和丸、加枳實微利之、如平素便難者、血不足也、宜潤腸丸、蜜導法、

○入方

八正散

方見四卷二便門

承氣湯

方見二卷傷寒門

木香檳榔丸

方見三卷傷食門

保和丸

方見三卷傷食門

潤腸丸

治老人虛人小兒產婦大便閉結

火麻仁

去殼

光杏仁

去皮

光桃仁

去皮

當歸尾

酒潤

陳枳殼

已上各七錢五分

金井膠

炒

蘿蔔子

炒

家蘇葉

已上各三錢

其爲細末煉蜜爲丸每服一二錢量人加減白湯送下

蜜導法

方見四卷二便門

○頭項顛證

經曰頭痛耳鳴九竅不利腸胃之所生也○小兒頭顛之證多有由脾胃而得又頭爲六陽所會七竅居焉故小兒之頭四時宜涼但見頭熱卽有病生宜預防之

解顱者謂頭縫開解而顱不合也是由稟氣不足先天腎元大虧腎主腦髓腎虧則腦髓不足故顱爲之開解然人無腦髓猶樹無根不過千日則成廢人其候多愁少喜目白睛多面眈白色若成於病後者猶凶宜久服地黃丸外用封顱法

顱腫者顱門腫起也脾主肌肉若乳哺不常饑飽無度或寒或熱乘於脾家致使臟腑不調其氣上衝爲之填脹顱突而高如物堆垛毛髮短黃骨蒸自汗然亦有寒氣衝上而腫者則牢斲堅硬熱氣衝

上而腫者則柔軟紅色然寒腫者十之一熱腫者十之九更有因包裹嚴密蓋覆過厚陽氣不得外出亦令赤腫皆用封顙法熱腫者瀉青丸寒腫者參蘇飲

顙陷者有因泄瀉久而氣血虛弱不能上克髓腦故下陷如坑此乃胃虛脾弱之極宜急扶元氣若與枕骨同陷者百無一救此中有稟受父精不足母血虛羸而陷者有因久病而陷者然枕陷尤甚於顙陷二者皆腎元敗絕之證也俱參苓白朮散或

八味地黄丸

天柱骨倒小兒有體肥容壯不爲瘦悴孰知形體過肥中氣愈弱是盛於外而歉於內也忽然項軟傾倒者此肝經風熱也小柴胡加粉葛當歸白芍

有因久病之後或泄瀉日久忽然頸項傾側名天柱骨倒最爲危候速救真元十全大補湯加鹿茸

有小兒生下頸便軟者胎氣不足也由稟父之腎元虛敗峻補先天其庶幾矣補腎地黄丸與六君子湯間服

天柱骨倒之證雖則三條總係真陽大敗之候爲小兒之惡證保救真元是其大要外以生筋等藥貼之可也

○入方

六味地黃丸

方見一卷胎疾門

封頤法

治頭縫不合名曰解頤

天南星不拘多少以薑汁炒枯研細末醋調塗於

絹帛上烘熱貼顙門上以合爲度

瀉青丸

方見四卷啼哭門

參蘇飲

方見三卷咳嗽門

參苓白朮散

方見三卷疳證門

八味地黄丸

方見一卷保產門

小柴胡湯

方見二卷傷寒門此加粉葛當歸白芍

十全大補湯

方見一卷保產門

補腎地黄丸

方見三卷吼喘門

六君子湯

方見二卷類搐門

生筋散

治筋軟無力天柱骨倒

木鱉子

六箇

蓖麻子

六十箇並去殼

以藥研如泥先抱頭起以手摩其頸令熱津唾調藥塗頸項

又方貼項軟生附子去皮二錢生南星去皮臍二錢共研末薑汁調攤貼患處

○頭項簡便方

小兒解顱或因病後忽然顱門寬大頭縫四破此腦髓不克大虛之候用鹿茸防風白芨栢子仁四味

各五錢其爲末乳汁調作餅貼額門上一日一換以合爲度

治小兒顙陷如坑由久病其元不足氣血兩虛大酉之候速宜十全大補加鹿茸薑棗煎服外用狗頭骨炙黃爲末鷄蛋清調敷之效

○目病證治

經曰諸脈者皆屬於目又曰東方青氣入通於肝開竅於目○夫目雖爲肝竅而五臟俱備神之所托故白珠屬肺黑珠屬肝瞳仁屬腎兩角屬心上下

眼胞屬脾五臟五色各有所司心主赤赤甚者心實熱也赤微者心虛熱也肝主青青甚者肝熱也淡青者肝虛也脾主黃黃甚者脾熱也淡黃者脾虛也目無精光及白睛多而黑睛少者肝腎俱不足也

目內赤色心經積熱上攻宜瀉丙火從小便而出導赤散加黃連防風

目內黃者脾熱也宜瀉黃散上下眼胞腫者脾經風熱亦同上治

目連劄者肝有風也凡病或新或久肝風入目上下左右如風吹兒不能任故連劄也瀉青丸

目直視者肝有熱也熱氣入目障其筋脈目之兩角俱緊不能轉運故直視也瀉青丸

小兒初生目閉此胎熱也內服生地黃湯外用膽草煎湯洗目上一日七次恐延纏則損目

小兒生下眼胞赤爛者由產時拭洗不淨以致穢惡侵漬兩目角故兩胞赤爛至長不瘥真金散

小兒人嗽其目兩眶腫黑如物傷損白珠紅赤如血

謂之血眼、內服瀉白散、外用貼法、

小兒生下數月之內、目不見物、謂之雀目、由肝虛也、  
六味地黃丸、常以豬肝煮熟壓藥、

小兒熱痢、其目羞明喜暗者、風熱也、宜疎散風熱、清  
陽散火湯、

○入方

導赤散

方見四卷啼哭門

瀉黃散

治脾經積熱白珠生黃

藿香梗錢二

黑梔仁錢一

熟石膏錢一

北防風錢一

炙甘草分五

淨水煎半饑服

生地黃湯

治小兒胎熱初生眼閉不開

懷生地錢五

赤芍藥錢一

正川芎分五

大當歸錢一

天花粉酒炒

炙甘草各五分

燈心十莖長流水煎熱服

真金散

治小兒眼胞赤爛

雅川連

川黃檗

大當歸

赤芍藥

已上各二錢

光杏仁

去皮尖五分

右剉碎以乳汁浸一宿飯上蒸過取濃汁點眼內

瀉白散

治小兒久嗽兩眶黑腫白珠如血

茅桔梗

炙甘草

廣陳皮

桑白皮

地骨皮

四味等分水煎熱服

貼藥

大生地

兩

大黑豆

兩

二味川水同浸一夜取起搗爲碎貼眼皮上其血  
自散血淚既止腫黑即消

六味地黃丸

方見一卷胎疾門

清陽散火湯

治小兒風熱眼疾羞明喜暗

小條芩

荊芥蕙

正川芎

北防風

淨連翹

黑梔仁 當歸尾 熟石膏已上各用一錢 川羌活

炙甘草各五分

燈心十莖水煎食後服

○眼目簡便方

治日生弩肉赤脈貫瞳白膜遮睛諸般雲翳用白丁香印麻雀屎也倒者爲雌雀屎不用取豎立者雄雀屎也不拘多少取來研末水飛過如飛朱砂樣澄滓不用俟藥澄底傾去清水晒乾每以此些微同乳汁研化點翳上其翳自去神方也取麻雀屎寺

院中暨城樓上有

赤眼腫痛用樸硝一撮以碗張豆腐一塊將硝放豆腐上飯上蒸之俟硝已化去豆腐不用取汁點眼自愈

敷火眼及風熱眼生南星五錢紅飯豆五錢共爲末取生薑自然汁調作二餅貼兩太陽穴

又敷火眼痛極用大紅棗取肉五六枚葱三四根共搗如泥作二小餅閉目貼之令其發散蓋眼無風寒必不疼痛以此疎散立時見效昧者以爲火眼

必用涼藥敷點而用黃連黃檗之類不知抑遏其火邪不能外出必變眼珠疼痛久不能愈慎之

治爛弦風眼百藥不治此方最神用鮮色銅綠三錢研細末以生蜂蜜濃調塗粗碗內要調略乾稀則少時流出矣用艾燒煙將碗覆艾煙上熏之須熏至銅綠焦黑爲度取起冷定以乳汁調勻飯上蒸過搽眼皮上爛弦處百不失一

治眼毛倒睫不起用五構子爲細末蜜調敷眼皮上其睫自起

又方以無名異爲末、紙捲作撚、點燈吹滅、閉目熏之、  
曉自起

赤眼腫痛不消、以精豬肉切一片、如指甲大、以水洗  
淨其血、貼於眼皮上、良久易一片、卽消

○耳病證治

經曰北方生寒、在臟爲腎、在竅爲耳、又曰腎氣通於  
耳、腎和則耳能聞五音矣、○故耳本屬腎、耳珠前  
屬少陽膽經、小兒有因腎經氣實、其熱上衝於耳、  
遂使津液壅而爲膿、或爲清汁、亦有因沐浴水入

耳中灌爲聾者內服蔓荊子散外用龍骨散搽之耳珠前後生瘡浸淫不愈者名月蝕瘡俗謂以手指月則令耳之前後生瘡皆用外治之法黃蘗散搽之

若耳中忽作大痛如有蟲在內奔走或出血水或乾痛不可忍者用蛇蛻散

有忽然氣塞耳聾此由風入於腦停滯於手太陽經宜疎風清火導赤散加防風或通竅丸

耳傍赤腫者熱毒也若不急治必成大癰外用敷毒

散內服消毒飲

○入方

蔓荊子散

治小兒腎氣上衝灌爲聾耳

蔓荊子

粉乾葛

赤芍藥

信前胡

桑白皮

淮木通

懷生地

杭麥冬

赤茯苓

已上俱各一錢

綠升麻

小甘草

各五分

燈心十莖水煎服

龍骨散

治小兒聾耳流膿出汁以此吹之

石龍骨

煨

明白礬

煨

真鉛丹

炒已上各三錢

胭脂胚

錢一

當門子

五釐

共爲末以綿展乾耳內膿水用小竹筒吹藥入耳

黃礬散

治小兒耳珠前後生瘡澀滯不愈

川黃礬

白枯礬

海螵蛸

白滑石

石龍骨

已上五味皆等分共爲末瘡濕用乾搽瘡乾用猪

油調搽

蛇蛻散

治耳中痛不可忍或出血水或乾痛

蛇蛻燒存性爲細末鵝毛管吹入耳中取蛇之善蛻以解散鬱火也

導赤散

方見四卷啼哭門

通竅丸

治小兒耳忽暴聾

雄磁石

煨一錢

真麝香

五釐

共爲細末、以棗研爛、和爲一丸、如棗核大、綿裹塞耳中、又以生鐵一小塊、熱酒泡過、含口內、須臾氣卽通矣、

### 敷毒散

治小兒耳傍赤腫、熱毒也、恐防作癰、

用萊豆粉不拘多少、以老醋調成膏、敷腫處、乾則易之、

### 消毒散

治小兒耳傍赤腫、內服之藥、

川羌活

北防風

片黃芩

淨連翹

茅桔梗

官揀參

正川芎

當歸尾

北柴胡

已上俱七分

小甘草

四分

生薑一片燈心十莖水煎服

○耳病簡便方

治小兒無故耳聾取龜尿滴入耳中效或以生麻油日滴三五次數日即愈

耳內腫痛流膿出水用虎耳草又名倒垂蓮搗取汁多灌入耳中常常用之此治耳聾之妙藥略加枯

替更妙

耳內膿水不乾用千層石榴花焙乾爲末以小竹筒吹入耳內

耳外生瘡用黃丹一錢松香八分輕粉一分共爲細末香油調搽

小兒耳後生瘡爲腎疳以地骨皮研末篩出嫩末香油調搽粗末煎水洗

諸蟲入耳取猫尿滴入耳中其蟲自出若用蒜油滴之則蟲死難出取猫尿法以生薑擦其鼻則尿

自出

一切惡蟲入耳用稻草燒灰淋汁瀝入耳中其蟲卽死而出也

○鼻病證治

經曰西方白氣入通於肺開竅於鼻又曰五氣入鼻藏於心肺有病而鼻爲之不利也○蓋鼻爲肺之竅鼻塞者肺氣不通於竅然肺主皮毛風寒外感則肺氣壅閉而鼻塞川芎膏

鼻涕者肺爲寒風所襲而津液不收則爲鼻涕細辛

散疎之

鼻艱者肺受風寒久而不散膿涕結聚不開使不聞香臭則艱矣萬金膏已上三證皆宜疎利俱用通氣散

鼻乾者心脾有熱上蒸於肺故津液枯渴而乾當清熱生津導赤散加麥冬

如病已極鼻乾而黑竅張長出冷氣者肺絕也不治之證

鼻淵者流涕腥臭此膽移熱於腦又名腦崩宜用辛

夷散

凡小兒初生三朝一七忽然鼻塞不能吮乳不得呼吸者因乳母夜臥之時不知迴避鼻中出氣吹兒顙門或因洗水未避風寒所以致兒鼻塞通關散鼻衄者五臟積熱所致蓋血隨氣行得熱而妄動溢出於鼻宜涼血降火加減地黃湯外用吹鼻散

○入方

川芎膏

治小兒外感風寒肺氣壅閉而鼻塞

正川芎 北細辛 小蘗木 香白芷 炙甘草

以上各三錢 梅花片一分 當門子一分 光杏仁去皮尖一錢

共爲末煉蜜爲丸龍眼核大每服一九燈心湯化服

細辛散

治小兒風寒所襲鼻流清涕

官揀參 信前胡 北細辛 北防風 正川芎

炙甘草俱等分

共爲末每服一錢薑葱湯調服

萬金膏

治小兒風熱侵肺、鼻鼾不聞香臭、

川羌活 正川芎 北細辛 淮木通 淨麻黃

石菖蒲 各一錢

共爲末、每服一錢、以蜜和勻、薑湯化服

麗澤通氣散

治小兒鼻塞、鼻涕、鼻鼾、

川羌活 川獨活 漂蒼朮 北防風 綠升麻

荊芥穗 粉乾葛 香白芷 正川芎 淮木通

已上各一錢 淨麻黃 北細辛 炙甘草 已上各五分

生薑三片 大棗三枚 水煎食後服

辛夷散

治小兒鼻流濁涕而腥臭

辛夷仁錢五 蒼耳子炒二錢五 香白芷錢一 薄荷葉

雅黃連各一錢

共晒乾爲末 每服一錢 葱湯調下

通關散

治乳子鼻塞不能吮乳

香附米 正川芎 荆芥穗 直殭蠶 北細辛

猪牙皂

已上各五錢

共爲細末以葱白搗成膏每用藥末五錢與葱膏和勻攤軟帛上臨臥烘熱貼兒顙門上早晨取去加減地黃湯

治小兒鼻中出血

懷生地

二錢

片黃芩

黑梔仁

赤芍藥

川鬱金

白茅根

各一錢

水煎空心熱服

吹鼻散

治小兒鼻中出血

黑梔仁炒

亂油髮

燒存性  
俱等分

共爲極細末以些微吹鼻中

○鼻病簡便方

鼻疳破爛用杏仁去皮尖搗碎以紙包壓去油以成  
白粉爲度每杏仁粉二分對真輕粉一錢和勻吹  
患處

鼻流濁涕不止名曰鼻淵乃風熱在腦故也用蒼耳

子炒辛夷仁白芷薄荷等分爲細末每用一錢臨  
卧蔥湯調服不以數拘以愈爲度

鼻中流臭黃水名控腦沙用紫貝子俗名南蛇牙齒  
粵人呼狗屐螺取二三枚火煨醋淬爲末紙包放  
地上去火毒每服一錢大人二錢以絲瓜藤煎湯  
調藥空心服以愈爲度

鼻被破傷或擦落急以豬兒頭上毛剪碎以口中津  
唾調敷之自愈

疔瘡蝕鼻破爛不堪用五構子燒灰存性研末以臘

猪油和塗之

口瘡證治

經曰中央黃色入通於脾開竅於口又曰脾氣通於口脾和口能知五味矣○故口者脾之外候凡鵝口者口內白屑滿舌如鵝之口此肺熱而心脾爲甚故發於口也內服沆瀣丹外以保命散吹之

口瘡者滿口赤爛此因胎稟本厚養育過溫心脾積熱熏蒸於上以成口瘡內服沆瀣丹外以地鷄搗水搽瘡上地鷄卽扁蟲人家罇下有之

口糜者滿口生瘡潰爛乃膀胱移熱於小腸腸不便上爲口糜以導赤散去小腸之熱五苓散去膀胱之熱當以二方合服

口瘡服涼藥不效乃肝脾之氣不足虛火泛上而無制宜理中湯收其浮遊之火外以上桂末吹之若吐瀉後口中生瘡亦是虛火理中湯味者以爲口瘡悉爲實熱槩用寒涼必不救

上膈有脹起如懸癰者此名重膈由脾胃挾熱氣血不能收斂而成用針刺去惡血內服沆瀣丹外以

碧雪吹之

小兒兩頤流涎浸漬胸前者此名滯頤蓋涎者脾之液口爲脾竅脾胃虛寒不能收斂津液故涎從口出而滯於頤宜溫脾丹

小兒口頻撮者氣不和也蓋唇應乎脾氣出於肺脾虛不能生肺故口頻撮異功散補脾生肺愈矣  
小兒口撮面青多哭此陰寒之至肝脾虛冷臍下痛也理中湯溫之

小兒急欲吮乳而口不能吮者心脾有熱舌不轉運

瀉黃散清之

○入方

集成沆瀣丹

方見一卷胎疾門

保命散

治小兒鵝口口瘡

箭頭砂

枯白礬

明牙硝

三味俱五錢

共爲細末吹之

導赤散

方見四卷啼哭門

五苓散

方見二卷傷暑門

理中湯

方見二卷乳子傷寒門

碧雪散

治小兒懸癰重脰

葶藶黃 洋青黛 白礪砂 明牙硝 生甘草  
五味俱等分共爲細末吹之

溫脾丹

治小兒脾冷流涎浸漬頤間

南木香

法半夏

各五錢

黑炮薑

漂白朮

各二錢

廣陳皮

杭青皮

各一錢

右爲末煉蜜爲丸龍眼核大每服一九米飲下

異功散

方見三卷傷食門

瀉黃散

治小兒心脾有熱舌不轉運不能吮乳

赤茯苓

片黃苓

川黃檗

川黃連

黑梔仁

宜澤瀉

茵陳藁

各一錢

燈心十莖水煎熱服

○口瘡簡便方

口瘡破爛并治咽喉喉癰喉癰用鳳凰衣即伏鷄子殼內皮也微火焙黃橄欖燒存性兒茶三味俱等分共爲末以一錢爲則加水片五釐口疳搽患處喉病吹入之即能進飲食

口瘡久不愈虛火也用生附子一箇切焙爲末醋和

作餅男左女右貼腳心引火下行自愈

小兒口角生瘡名燕口瘡以亂髮燒灰存性米飲調服外卽以此敷之又方蒸飯時收甑蓋上流下氣水搽之卽愈

口唇腫黑癢痛不可忍先以磁鋒砭去惡血以古銅錢磨猪油塗之

治走馬牙疳及各樣口疳多年口野中白螺螄殼研爛少加兒茶其爲細末吹患處卽愈

治口疳瘡及咽喉疼痛川吳茱萸二兩研末少加麯

粉醋調作二餅貼兩足心以布帶之過夜即愈

○舌病證治

經曰南方生熱熱生火火生心心主舌在竅爲舌又曰心氣通於舌心和則舌能知五味矣○夫舌爲心之苗胃之根小兒多生舌病以心脾之積熱也故有重舌木舌弄舌舌胎等證宜辨其虛實而治之

重舌者心脾有熱蓋脾之大絡出於舌下有熱則氣血俱盛附舌根下忽重生一舌而短小內服沆瀣

丹外以針刺去惡血用蒲黃黃檗末敷之

木舌者心脾積熱之氣上衝故令舌腫漸漸長大塞滿口中若不急救必致害人內服沆瀣丹外以針刺去惡血以碧雪散竹瀝調勻敷之

弄舌者脾臟虛熱令舌絡緊時時舔舌妄人稱爲蛇絲驚者是也切勿以涼寒攻下治之少與瀉黃散服之不效四君子湯或湯飲飲水而無紅赤色此脾胃津液不足不可誤認爲熱宜七味白朮散

面黃肌瘦五心煩熱而弄舌者此疳證也須從疳證

門參攷宜集聖丸

大病後精神困憊飲食少思而弄舌者商侯益氣血  
兩虛精神將脫速以十全大補湯挽救之

舌上黑胎其熱已劇急以薄荷煎湯洗之如舌轉紅  
色者可治涼膈散下之洗不紅者不治

泄瀉後舌上白胎此津液不榮不能上潮於口爲虛  
熱也理中湯

○入方

集成沆瀣丹

方見一卷胎疾門

碧雪散

方見四卷口瘡門

瀉黃散

方見四卷口瘡門

七味白朮散

方見三卷泄瀉門

集聖丸

方見三卷疳證門

十全大補湯

方見一卷保產門

涼膈散

治心脾有熱舌上黑胎

淨連翹

壹錢

黑梔仁

六分

錦大黃

五分

薄荷葉

六分

片黃芩

六分

芒硝

五分

生甘草

四分

竹葉七片燈心十莖水煎臨服加生蜜十匙對服

○舌病簡便方

治重舌木舌腫滿強鞭或疼不止不能言語宜用粗  
鍼線帶筋頭上刺患處甚者數十刺爲妙只鍼舌  
尖及舌兩傍舌中 及舌下切不可鍼犯之令出  
血不止其刺出之血以紅色者毒輕紫色者爲重  
黑色者最危仍以蒲黃研末擦舌上卽消

舌或脹大腫鞭卽時氣絕名爲嬰舌

嬰衫入聲

用皂礬不

拘多少新瓦上以火煨變紅色爲度放地上候冷  
研細搽舌上立愈重舌木舌皆效

嬰蔽棺之筋謂如嬰之蔽於棺

上也

舌腫滿不能出聲以梅花冰片研爛敷之或以食鹽百草霜共爲末井水調敷卽效

絆重者舌根下有筋一條絆其舌尖令舌短縮不能吮乳細視之明見舌根之下有筋如線牽絆其舌用針輕輕挑斷之挑時但挑此筋不可誤傷舌根爲禍不小曾見愚婦以刀割斷之誤傷舌根流血不止而死

舌斷能重生用活蟹一隻炙乾爲末敷之此方至神

至驗

卷之四  
○齒牙證活

經曰天有列星人有齒牙又曰手陽明之脉入下齒  
中足陽明之脉入上齒中○故知上牙屬胃下牙  
屬大腸齒屬腎凡齒生遲者腎氣不足也蓋腎主  
骨齒者骨之餘腎不足則髓虧不能克手齒所以  
齒遲宜地黃丸○上下牙牀腫者此手足陽明實  
熱也涼膈散爲君加知母石膏升麻爲佐頻頻含  
嚥

重齲者腎臟積熱附齲而腫痛也以鍼刺去其血用

監湯洗淨黃蘗爲末敷之

小兒有多食肥肉齒牙臭爛下可近者名爲鼻息此  
胃膈實熱也內服沆瀣丹外以荆瀝和薑汁含漱  
牙疳者初作臭氣次則齒牙黑甚則齦肉爛而出血  
名爲宜露此由腎熱其氣直奔上焦故以走馬爲  
喻宜速治之若上下唇破鼻穿齒落者名曰崩沙  
氣喘痰潮飲食減小則不可治內服沆瀣丹外以  
如聖散敷之

夢中咬牙風熱也由手足陽明二經積熱生風故令

相擊而有聲也必任夢中者風屬陽動則風行於陽靜則風歸於裏也宜風散

咬牙一證惟痘疹見此爲危候餘則皆無大害亦有因病戰慄鼓項而關牙者治其本證則自止矣牙齒落後不復生者由於舌舔之故其內頑厚用鍼刺去其以鼠骨散搽之鎗

○入方

六味地黃丸

方見一卷胎疾門

涼膈散

方見四卷舌病門

如聖散

治小兒走馬疳并崩沙宜露

○用婦人尿桶中白垢刮下瓦上煨至烟盡壹錢

銅綠二分

麝香半分

○共爲末先以蠟樹葉浸米泔水洗淨後搽此藥

宜風散

治小兒夢中咬牙

尖櫛郎

五錢

廣陳皮

壹兩  
五錢

炙甘草

五錢

○共爲末每服一二錢蜜湯調空心服

鼠骨散

治小兒齒落不生

用雄鼠一隻爛去皮取骨炙枯研細末加麝香  
一分擦刺處良久以薑湯漱之

○齒病簡便方

牙齦潰爛諸藥不效者用鹽欖二三個連皮帶核火  
中煨過存性加冰片半分搽之神效

走馬牙疳、臭爛出血、紅棗三枚去核、以明雄研末填滿棗內、新瓦盛之、火煨存性、研末搽之、

又方鳳凰衣、未見水者、焙黃、少加枯礬共爲細末、搽之、

○咽喉證治

經曰咽喉者、水穀之道也、喉嚨者、氣之所以上下者也、又曰一陰一陽結、謂之喉痺。○蓋咽者胃管、主納水穀而居後、喉者肺管、專主呼吸而居前、爲人一身之總要、若胸膈鬱積熱毒、至生風痰壅滯不

散發於咽喉病名雖多無非熱毒速宜清解緩則有難救之患輕則甘桔湯重則化毒湯

如痘瘡咽喉痛者毒氣上攻也加減甘桔湯喉中生瘡不能吮乳化毒湯

小兒爲諸骨所哽骨大難嚥者以鵝毛掃咽吐之骨小者用海上方治之

○入方

甘桔湯

治小兒胸膈積熱致生風痰而患喉痺

粉甘草

錢四

牙桔梗

錢四

以淨水煎細細嚥之、

化毒湯

治小兒咽喉證危迫者、

牙桔梗

南薄荷

錢各二

荆芥穗

炙甘草

錢各二

白芒硝

錢一

山豆根

錢五

馬牙硝

白礬砂

錢各二

明雄黃

鏡面砂

錢各二

共爲細末每服一錢白湯調下仍以此藥吹喉中

海上方

治小兒諸骨所哽

用金鳳花根搗碎以米醋濃煎用有嘴瓶盛之口  
唧瓶嘴仰面吸藥吞之其骨即下吞藥勿令露牙  
又或以玉簪花根亦可如上法煎嚥

○咽喉簡便方

治喉閉乳蛾用鷄內金勿洗陰乾燒過存性研末以  
小竹筒吹入即破而愈

鷄內金即鷄臍脰內之黃皮也

咽喉內生瘡鼻孔內亦爛若作喉風治立死用白霜  
梅一個燒存性枯礬一錢穿山甲炙枯一錢共爲

細末吹喉中神效、

喉瘡已破、瘡口疼痛、難進乳食、用猪腦髓蒸熟、薑醋調和、服之自愈、

咽中結核、不通水食、危困欲死、用百草霜以蜜和爲丸、如芡實大、每一丸白湯化開灌之、甚者不過二次愈、

誤吞針、用磁石研末、以黃蠟鎔化和丸如豆大、吞下針共丸藥同從大便出、

誤吞銅錢金銀釵環之類、只以米餹多服之、人之自

曉明按如  
恐姑字

出、

悞吞銅錢、生慈茹搗汁多飲、自然消化、生菽薺搗汁  
飲更妙、

悞吞竹木及魚骨哽咽不下、用象牙磨濃汁水調服  
若吞鐵釘子、以沙糖拌象牙末服、

治諸骨哽咽不下、用葦靈仙三錢、煎湯頻頻嚥之、其  
骨卽輒如綿而下、

諸骨哽咽、用狗一隻、倒吊取口涎、徐徐與嚥、卽化、又  
或以狗涎半盞、沙糖半盞、調服立消、

凡悞吞金銀銅鐵之類以鹽欖燒灰研末水調下其  
物卽出此方經驗極多

凡諸骨哽咽穀樹葉搗爛取汁服其骨自軟而出蓋  
歲靈仙穀樹葉楮實子皆能軟骨故也

○龜胸龜背

龜胸者胸高脹滿形如覆掌多因乳母多服五辛酒  
麪炙燂之類或夏月熱乳宿乳與兒蓋兒肺氣最  
清爲諸臟華蓋日久痰滯則生風熱肺受火邪則  
胸骨脹起麻痘之後多有此證宜清肺降火杏仁煎

龜背生下不能保護以客風入於骨髓或兒坐早勞傷氣血或咳嗽人以致肺虛而腎亦無所生矣腎主骨風寒乘虛而入於骨髓致精血不能流通故成龜背宜松蘿丹外以龜尿塗法此從前所論證治也

予按龜胸有治龜背乃不治之證前人證治猶有未善雖曰客風入骨坐早勞傷咳嗽肺虛然未窺其病源無非以現在者言之也凡小兒稟受真元足者嘗見其赤身裸體當風露坐半週之後坐以座

欄從未聞有客風入骨坐早勞傷嗽久而病龜背  
之說此證蓋由稟父母精髓不足元陽虧損者多  
有之不觀小兒龜背正在命門之間漸次骨節浮  
露其腰如弓實因骨痿不能支撐之故豈風邪爲  
患哉此證百不一救原無治法而前人強立松蘿  
丹反用麻黃大黃獨活防風一派攻伐之藥適足  
以速其殤也若以鄙見但當以六味地黃丸加上  
桂鹿茸救其先天復以四君六君之類扶其胃氣  
或可以十中保一除此之外並無治法若謂松蘿

丹能治龜背吾不信也

○入方

杏仁煎

治小兒肺受熱邪而患龜胸

錦大黃

好酒九蒸九晒

天門冬

去心

真杏仁

去皮尖取淨仁

淮木通

各一錢二

桑白皮

甜葶藶

熟石膏

各八分

水煎臨卧時服

加增分兩以蜜爲丸徐服更妙

松蓋丹

治小兒龜背姑存之可也

黃松花 陳枳殼 北防風 川獨活

已上各一兩

淨麻黃 信前胡 川大黃 青化桂

已上各五錢

爲末蜜丸菴豆大每服十九米飲下

六味地黃丸

方見一卷胎疾門

四君子湯

方見三卷瘡疾門

六君子湯

方見二卷類搐門

○鶴膝證治

小兒鶴膝因稟受腎虛血氣不充以致肌肉瘦削形如鶴膝外色不變膝內作痛屈伸艱難若掀腫色赤而作膿者爲外因可治若腫鞭色白不作膿者是屬本性難治屬外因者十全大補湯加蒼朮黃檗防已屬本性者以六味地黃丸加鹿茸補其精血仍須調補脾胃以助生化之源

○入方

十全大補湯

方見一卷保產門 此加蒼朮黃蘗防已

六味地黄丸

方見一卷胎疾門

○五輭五鞭

小兒生後有五輭五鞭之證乃胎元怯弱稟受先天陽氣不足不耐寒暑少爲六淫所犯便爾五輭見焉五輭者頭項輭身體輭口輭肌肉輭手足輭是爲五輭然頭項輭肝腎病也肝主筋腎主骨肝腎不足故頭項輭而無力手足輭脾胃病也脾主四

肢脾胃不足故手軟而懶於擡足軟而慵於步也  
身體軟陽衰髓怯遍身羸弱而不能強立口軟者  
虛舌出口而懶於言肌肉軟者肉少皮寬肌體虛  
𦵏之象也總之本於先天不足宜地黃丸以補肝  
腎而更所重者在胃蓋胃爲五臟六腑之化源宜  
補中益氣升舉其脾氣倘得脾胃一旺則臟氣有  
所稟諸軟之證其庶幾矣

五鞭者手鞭脚鞭腰鞭肉鞭頸鞭也仰頭取氣難以  
動搖氣壅疼痛連於胸膈手心脚心冰冷而鞭此

陽氣不榮四末也爲獨陰無陽難治若肚筋青急  
乃木乘土位俱宜六君子湯加蒼桂升麻柴胡以  
補脾平肝若面青而小腹硬者不治

○入方

六味地黃丸

方見一卷胎疾門 此加鹿茸上桂

補中益氣湯

方見一卷保產門

六君子湯

方見二卷類搐門 此加乾薑上桂升麻柴胡

○丹毒證治

小兒赤遊丹毒皆由心火內壅熱與血搏或起於手足或發於頭面胸背遊移上下其熱如火痛不可言赤如丹砂故名丹毒凡自腹出四肢者易治自四肢入腹者難治治丹之法先用辛涼解表使毒漸消方可搽敷若先不解毒遽用搽敷必逼毒入腹以致不救小兒一歲以外者易治未週歲者難治治之得法無論大小予嘗治百日內外火丹

從陰囊下起按法治之三日後陰囊蛻去一殼而愈、

小兒十種丹毒如三日不治攻入腸胃則不救宜逐一辨認依方治之百不失一、

凡治丹毒俱宜先服防風升麻湯以解毒發表次用磁鋒針去其血則毒隨血散至神至捷百發百中、

ノ ○入方

防風升麻湯

總治十種丹毒

北防風 綠升麻 黑梔仁 大麥冬 荊芥穗

淮木通 粉乾葛 南薄荷 潤玄參 牛蒡子

粉甘草 已上十味各一錢甘草減半 便閉加大黃利之。

燈心十莖水煎熱服。

### 磁鍼砭法

用上清磁器輕輕敲破取其鋒銳者一枚將筋頭劈破橫夾磁鍼露鋒於外將線紮緊以磁鋒正對丹毒之處另以筋一條於磁鋒筋上輕輕敲之其血自出多刺更妙毒血出盡立時見效。治丹若

不砭去惡血專用搽敷十不救一

○十種丹證

一飛竈丹從頭頂起腫然後散開先用葱白搗取自然汁塗之效

二走竈丹從頭項起紅腫痛苦異常用紅飯豆研末鷄蛋清調塗

三鬼火丹從面部起紅腫用竈心土研爲細末鷄蛋清調塗

四天火丹從背上起赤點用桑白皮切碎焙乾爲細

末、羊油調塗、

五天竈丹、從兩臂赤腫黃色起、用柳木燒炭研末、淨水調塗、

六水丹、先從兩脇起赤腫、用多年繡鐵磨濃汁、猪油調塗、

七葫蘆丹、先從臍下起、用尖檳榔切碎、焙乾研末、米醋調塗、

八野火丹、先從兩脚起紅腫、用乳香去油研末、以羊油調塗、

九煙火丹從脚背上起紅腫用猪槽下土研末麻油調塗

十胡漏丹從陰囊下起紅腫用門檻下干脚土研末羊油調塗

更有胎毒重者遍體皆是速用芸薹子即油菜子也秤過一兩酒一大壺和研濾去渣取酒復煎數沸不拘時溫服一盞

又方芸薹菜即油菜也取菜葉搗爛敷之隨手即消如無生菜乾者爲末水調敷凡丹毒遍身或連腰

周匝百方不能治者惟此最神

○水痘露丹

水痘似正痘外候面紅唇赤眼光如水咳嗽噴嚏涕唾稠黏身熱二三日而出明淨如水泡形如小豆皮薄痂結中心圓暈更少易出易靨溫之則痂難落而成爛瘡切忌薑椒辣物并沐浴冷水犯之則成薑疥水腫自始至終惟小麥湯爲準

小兒生後百日內外半歲已上忽然眼胞紅腫面青黯色夜間煩啼臉如胭脂此因伏熱在內發之於

外初則滿面如水痘脚微紅而不壯出沒無定次至頸項赤如丹砂名爲露丹以三解散疎散之

○入方

小麥湯

治小兒水痘

白滑石 地骨皮 生甘草

各五分

官揀參

川大黃 淨知母 川羌活

各四分

葶藶子

五分

小麥一十四粒引水煎熱服

三解散

治露丹

官揀參

北防風

明天麻

川鬱金

節白附

錦莊黃

枯黃芩

直殭蠶

北全蝎

陳枳殼

南薄荷

京赤芍

小甘草

隨宜加減

燈心十莖水煎熱服

○破傷風證

小兒或因跌撲或刀斧破傷風邪暗襲傷處發腫謂之破傷風速宜治之不然則發瘳矣內服疎風活血散外以紫金錠塗之

疎風活血散

治小兒破傷風已瘥未瘥者皆治

全當歸 懷生地 赤芍藥 北防風

已上各一錢二分

鮮紅花 大川芎 廣蘼木 炙甘草

已上各六分

生薑三片大棗一枚水煎熱服

紫金錠

山慈菰三兩 五構子三兩 芽大戟一兩五錢 明雄黃

鏡辰砂各一兩 真麝香三錢

共爲細末糯米飲和藥爲錠磨水塗之

○癰疹癰疹

小兒癰與疹宜別證候陰陽其掀腫於外者屬少陽相火謂之癰其證發於面部或背部或四肢極其稠密色如錦紋紅赤者胃熱也紫黑者胃爛也宜消癰青黛飲

其紅點發於皮膚之內不出者屬少陰君火謂之疹其證發於胸腹手足稀而少者此由無根失守之火聚於胸中上蒸於肺隱於皮膚而成小疹其狀如蚊跡蚤斑而非錦紋也理中湯

癍疹自吐瀉者慎勿止之因其毒氣從上下出宜調中氣若吐瀉後遍身發熱癍如錦紋者恐防熱氣乘虛入胃其夏月多有此證化癍湯

癍疹多屬於脾以其隱隱在皮膚之間發而多癢或不紅者俗人名爲風丹加味羌活散

○入方

消癍青黛飲

治陽毒發癍

正雅連 熟石膏 淨知母 北柴胡 黑梔仁

潤玄參 綠升麻 懷生地 片黃芩 已上俱各一錢

官揀參 洋青黛 炙甘草 各五分

生薑三片 豆豉二十一粒 水煎熱服、

化斑湯

卽人參 白虎湯治陽明胃熱發斑、

官揀參 一錢 熟石膏 四錢 淨知母 二錢 炙甘草 一錢

淡竹葉 一錢

粳米一撮 水煎熱服、

加味羌活散

治癰疹作癢世俗謂發風丹者是也

川羌活 信前胡 芽桔梗 蘇薄荷 陳枳殼

明天麻 香白芷 正川芎 淨蟬蛻

已上俱各一錢

官揀參 炙甘草

各五分

生薑三片水煎熱服

搽藥方

芸薹菜搗爛取汁生鐵繡生大黃等分研末以芸薹汁調塗之

○諸瘡證治

經曰諸痛癢瘡瘍皆屬心火。○世間瘡瘍癰疥惟小兒最多。豈其稗陽純氣易與歲運火政相乘耶。抑不識不知而寒溫動定之乖其道耶。復有父母之遺毒爲兒終身之害者。可不有以治之乎。

小兒初生遍身蟲疥與乎流水風瘡一皆胎毒也。切勿外治。宜內服胡麻丸。倘誤用擦洗逼毒入腹以致腹脹危候也。急服解毒湯爲佳。

凡頭面遍體有瘡。原未擦洗而瘡忽自平。更加痰喘氣急者。切不可下。宜連翹丸解托之。

小兒未週歲無論一切瘡疥皆不宜搽洗總以胡麻丸爲主治至穩

小兒生癰毒腫癰皆氣血凝而火熱乘之內服大補湯外以紫金錠塗之

頸上結核腫脹發熱者內服胡麻丸外以五倍子爲末醋水調敷一日二易爲妙

○入方

胡麻丸

治小兒風瘡疥癬

嫩苦參錢五

何首烏蒸

胡麻仁炒

蔓荊子炒

葳靈仙炒

荊芥穗焙

皂角刺炒已上各三錢

石菖蒲炒

白菊花各二錢

右為細末酒打米糊丸每一二錢量兒大小竹葉

煎湯調下

解毒湯

治小兒瘡疥誤用擦洗逼毒入腹以此托之

潤元參

淨連翹

綠升麻

片黃芩

京赤芍

全當歸

川羌活

北防風

懷生地

荊芥穗

淮木通

已上各一錢

炙甘草

五分

大便秘加酒大黃

燈心十莖水煎熱服

連翹丸

治小兒瘡疥毒陷入裏以此托之

淨連翹

桑白皮

白頭翁

粉丹皮

北防風

川黃蘗

青化桂

淡豆豉

海螵蛸

輭秦艽

川獨活

已上各三錢

右爲細末煉蜜爲丸龍眼核大每一丸燈心湯下

大補湯

治小兒或生癰疽出膿之後或頑瘡破爛久不收  
口凡一切癰疽皆屬不足切不可再用寒涼

官揀參

錢一

嫩黃耆

正川芎

淨連翹

香白芷

白雲苓

大歸身

漂白朮

懷生地

赤芍藥

炙甘草

已上俱  
錢二分

每日一劑生薑三片大棗三枚水煎半饑服

○瘰癧證治

小兒瘰癧由肝膽二經風熱血燥而成蓋二經常多  
氣少血倘怒則肝火動而血熱腎陰虛則不生木

而血燥燥則筋病累累然結若貫珠其候多生於耳之前後連及頤頤下至缺盆及胸腋之側又謂之馬刀初起如豆粒漸如梅李或一粒或數粒按之則動而微痛不甚熱人之則日益以甚或頸項強痛或午後微熱或夜間口乾飲食少思四肢倦怠或堅而不潰或潰而不合皆由氣血不足往往變成疔癰此證本非外科切忌刀針爛藥取去其核昧者不識病源誤用爛藥取核不知肝膽二經內有相火抑鬱不伸而生癰癰爲之益氣養榮舒

筋散癰猶恐不暇何敢用刀針爛藥以致破爛不收膿血交併耶予目擊其誤治致死者不可勝紀凡小兒患癰不可妄治只宜內服單方切忌取核慎之戒之

凡小兒頸項結核或三五粒十數粒或痛或不痛或熱或不熱用墻根下鳳尾草梗如鐵線而黑葉似鳳尾本草內名石長生卽牆縫中所生小蕨其也單取其根水洗淨每用一兩以糯米濃酒一碗瓦瓶濃煎去渣服酒每日一服勿求速效多則一月

少則二十日其核全消再不復發此藥氣味平淡更不苦寒實爲神授藥賤而功弘誠仙方也

凡小兒耳之前後忽有瘡作核如杏核大小不一名馬刀瘡爲癰癰之根用桃樹白皮切三指大一塊刮去外皮留內一層貼瘡上以艾炷於桃皮上灸之覺熱痛即止毋令傷皮明日又灸不數次而核消矣

治小兒癰癰未潰者令內消已破者能收口服此一月全愈用道壚蠶半觔先用清水洗三次去石灰

淨晒乾炒枯另將晚米半觔炒熟共研細末米糊  
爲丸重一錢一顆每日空心時以夏枯草煎湯見  
大者二丸小者一九研爛調服常須以甘肥葷潤  
之物滋澤之

### 紫霞膏

治癰癰初起未成者貼之自消已成者貼之自潰  
已潰核存者貼之自脫并治諸色頑瘡破爛不愈  
疼痛不已者俱皆神效

用明淨松香一觔研末鮮色銅綠二兩研末以真

麻油四兩入鍋內先煎數沸滴水中不散方下松  
香熬化次下銅綠煎至白煙將盡其膏已成退火  
傾入磁罐收之凡用時於熱湯內頓鏹旋攤旋貼  
集成白玉丹

專治瘰癧破爛多年不愈連及胸腋

老子曰下士聞道大笑之不笑不足以爲道此則世  
人聞方大笑之不笑不足以爲方藥則至賤不堪  
功則神丹莫並專治瘰癧破爛連及胸腋臭穢難  
聞三五載十數載不愈者藥到病起用新出窰礪

石灰一塊滴水化開成粉用生桐油調勻乾濕得中先以花椒熬湯洗淨其瘡以此塗之不數日全愈真奇事也昔予道門一友患瘰癧爛及胸腋十數載不愈一愚人傳此方用之立應後以治人無不愈者誠仙方也

○楊梅瘡證

夫梅毒一證以其腫突紅爛狀如楊梅故爾名之西北人名天泡瘡東南則名棉花瘡蓋小兒患此者實由於父母貽毒傳染而致也然非尋常胎毒之

可比蓋青樓艷質柳巷妖姬每多患此而少年意興誤墮術中山洩精之後毒氣從精道乘虛直透命門以灌衝脈所以外而皮毛內者筋骨凡衝脈所到之處無不受毒此其爲毒最最深最惡設初起之時治不如法去毒未淨而隨至敗壞殞生者有之矣或遺毒兒女以致生而不育者有之矣世人見此惡道而不寒心知避者愚亦甚矣

小兒亦有不因遺毒而成蓋因偶傷濕熱卽或患此亦不過在皮膚肌肉之間而已治之者能知清熱

解毒除濕自必全愈無足慮也

○附案

予高友少年不慎嘗發梅毒治不如法以致毒氣內伏外雖愈而內成結毒每夏月則手心多現紫疹如鵝掌風樣及其生子皆於月內二十七日必發此毒初從陰囊之下紅癰數點似火丹之狀不數日則延及遍體皮肉潰爛形類火燒晝夜啼號諸藥莫救延至半月則精神竭脫而死連生三子有如一轍友悔恨無及乃懇於予予雖感其誠敬而

實不得其法因靜思熟計恍然有得蓋此毒從洩  
精後乘虛透入命門直灌衝脈已爲負隅之虎矣  
而且盤踞多年根深蒂固何可動搖倘勦捕不得  
其法反致蹂躪疆場損我民物古人云多笑勝少  
算不勝苟非攻堅破壘搗巢覆穴不足以絕其根  
株因自製一方名竄毒丸以鱗鯉甲頭尾胸脊以  
及四足各川鱗甲數片取其穿山透穴率領諸藥  
直趨毒巢則內而臟腑外而經絡凡衝脈所行之  
地無處不到以之爲君用刺蝟皮仍依上法各取

其刺雖搜毒之功不如鱗鯉而以毒攻毒力則過之故以爲臣用蟬蛻蛇蛻雖爲解毒清熱之需實所以取其蛻脫之義以之爲佐以芩連梔檉清其雷龍之火用皂刺土苓槐花領毒外出不使久留精竅以之爲使復略加人參護其胃氣使之宣行藥力庶無潰亂壅遏之虞以爲四路救應製而服之誠所謂得心應手鍼芥相投藥未盡而毒出忽於左脚腫發一惡瘡皮肉紫黑痛苦異常號呼牀第一月方痊嗣是手掌如故所生子女不特不發

梅瘡而得毫無疥癩可見病有甚外理無二致予  
素未諳外科而能拔茲社鼠城狐之毒恃此理也  
倘無其理而欲邀天之幸吾未能信

小兒梅瘡最爲惡候倘發於一二月間或半週之內  
最難救治以其毒稟先天來路既遠力藥難及卽  
日服數匙之藥杯水車薪終難有濟昧者但以搽  
洗之法治之適足以阻其出路反致內攻不救只  
當緩以圖之庶能保全先以胡麻丸修製精細每  
日服之三七之後內毒將盡方用點藥不三日而

瘡盡愈矣此法至神至捷第不可用之太早恐內毒未盡也

梅瘡點藥

杏仁一兩熱湯泡去皮以絹紙包之木槌緩緩搥去油此物極難得乾必數十換紙方得油淨以成白粉爲度謂之杏霜每杏霜一錢加入真輕粉八分明雄一分共研勻先以槐花煎濃湯將瘡洗淨瘡濕則以藥乾搽之瘡乾則以公猪膽汁調搽三日全愈百發百中此方不特治小兒梅瘡凡外科

下疳瘰癧燭瘰藥到病除久經效驗

○瘰癧雜方

凡半週一歲乳子偶患瘰癧此忌外治必先服解毒之藥數劑然後稍用外治無不愈者倘不先解毒而妄用搽敷必致迴毒入內反爲大害慎之

治疥神方大風子肉三錢輕粉明礬各五分共爲末聽用先以臘猪油二兩入麻黃五錢同入鍋內熬之以麻黃色黑爲度瀝去渣退火冷定調前末搽之

治癩癰白禿頭瘡方用鷄蛋十個去殼攪勻入小鍋香油盪成一餅乘熱蓋兒頭上一時許蛋冷取下又將上面用油煎熱再覆頭上數次全愈妙不可言

黃水頭瘡卽肥瘡也其瘡黃水流下卽沿生漸至眉毛不治則殺人用黃連五錢輕粉三錢共爲細末麻油調成膏塗粗碗內須乾濕得中將碗覆轉下燒艾煙熏之緩緩燒煙熏至黑色爲度放地上出火毒次加冰片三分研勻香油調搽數次卽愈

一切無名腫毒諸般火丹熱癰濕瘡取陰地蚯蚓糞  
四兩皮硝二兩共研末新汲井水濃調厚敷患處  
乾則易之

治熱毒瘡疥用生石膏生硫黃陳細茶各二錢共爲  
末以生豬油和藥搗勻搽之

小兒諸般疳瘡生於面上遍身爛成孔曰儼如大人  
梅瘡於蒸糯飯時甑蓬四邊滴下氣水以碗盛取  
掃瘡上數日即愈百方不效者此法如神

神治小兒熱瘡用鷄蛋五枚者熟去白專取蛋黃再

以亂髮一團如鷄子大，同入鍋內，以炭火熬之。初甚乾，次則髮焦，乃有液出。久熬則液漸多而黃髮盡化而成液。以黃髮盡爲度，收起冷定，取塗瘡上，卽以苦參末滲之。此神方也。

神治小兒頭上軟癩。此癩愈而復發，至難除根。用枳殼一個，剝去穰，磨令口平，以麪糊塗抹枳殼四圍，安貼於癩上。於一邊安一燈心，以通膿水。則膿自出，愈後枳殼自脫，更無痕跡。枳殼鮮者更妙。卽臭橘子是也。樹名鐵籬笆，多刺而韌。人家蘭堊多

梳之以禦宵人者此方不獨治軟癰凡人年頑瘡  
膿瘻不能收口依法用之無不愈者

○湯火簡方

凡湯火傷初起卽以食鹽研末用米醋調勻敷患處  
頻塗不絕暫時雖痛却能護肉不壞然後用藥敷  
貼切不可用冷物搗冷水洗并涼藥敷貼予每見  
以冷水冲擊者使熱氣不得出必致內攻而不救  
慎之

凡湯火傷悶亂不省人事急以蜂蜜調湯灌之若至

重者急以煮過好熟酒數十壺入浴盆內以患兒浸酒中雖至重者不死

一女兒火燒手且駸駸至掌卽以酸醋升餘浸之出醋尙痛少時痛止不瘡不膿不疤痕奇方也

神治湯火傷人經效驗者凡湯火傷爛皮已脫去惟有鮮肉或臭爛不堪諸藥不治者用猪毛一籃以破鍋炭火煨紅入猪毛在內煨之少時猪毛消化而成黑液取起冷定略加大黃數錢共研細末再加冰片一分研勻香油茶油蠟燭油俱可調搽至

神至靈之方也

凡遭火藥燒壞者先以好酒洗淨次用鷄蛋黃熬油  
聽用以大黃研末鷄蛋油調搽卽愈